

山西

榆社縣志

267
附件

2016.11
39
部



欽此

二

丞達署



首


欽此

縣境圖





縣境圖



城郭圖



縣治街道圖




文廟圖



三立祠

敬一亭



五

榆社縣志叙

縣積而郡郡積而天下郡縣治天下無不治郡
縣之治由守令之盡職守令之職則在盡心民
事而欲盡心民事非周知民之俗尙好惡及地
方之利便形勢不可三代以上樹之君以立百
官師長無日不佐民以圖生養教訓周官大司
徒之職以天下土地之圖周知九州之地域廣
輪之數辨其山林川澤邱陵墳衍原隰之名物

榆社縣志

序

土性之所宜以相民宅以教稼穡樹藝蕃毓草
木鳥獸以至蔬果羽毛之微昏娶塚墓之事皆
有成法生養有資復申之以孝弟之義書其德
行道藝以時獻之興之以率不教而太師復以
時採問風俗因其好惡以詔得失職方志天下
之形勢土訓誦訓掌道地圖方志以詔地求地
俗舉凡民之苦樂淑慝息息懸於心目之間天
下如在一室上下相勉爲治故能長治久安民

無失所後世幅員漸廣古職淪廢別置行省
分郡縣上下隔閼不通而爲守令者非由鄉
里選或遠在千萬里以外捧檄蒞治而又遷調
無常官如傳舍其何能深悉土俗之所宜而因
以調劑之以爲政耶此縣志郡志省志統志之
所由設而縣志尤爲郡省志統志之所由本志
者記也記其土地戶口山川險易風俗政治人
物以備爲治者之有所考鏡因勢利導教之勸
榆社縣志
序
之懲之以幾於治其所志可不慎歟榆社僻在
萬山之中文獻寥落記載之闕如蓋已久矣自
康熙十三年

詔天下各郡縣輯志邑令佟公承令編纂榆社始有志

閱七十餘年邑令費公修之又閱百有餘年丁
丑戊寅三晉罹亢旱奇荒人民死亡大半
巡撫威毅伯湘鄉曾公既請粟捐金以賑而存
活之而念晉之士瘠民貧樂歲家無蓄藏一遇

凶荒坐而待斃其故蓋由於親民之吏不盡職而所以佐民以圖生養教訓者未盡備地有未盡之利民有未盡之力不籌備於平時以至坐困於倉卒於是飭令各郡縣修輯志書以冀官斯土者之省觀而圖治其意識深且遠也前署縣事王公家坊輯而未竟適

蓬奉

命承

乏是邦邑紳士錄藁請更商訂復取而刪其繁蕪去其複冗訂其譌謬補其缺軼並其體例之

榆社縣志

序

三

不合者次序之倒置者逐一釐正之非敢苟爲異同亦惟其是以資後之考證而已嗟夫士生而讀書窮理既不獲躋厯廟廊建樹勲業澤及天下一官一邑盡心力而爲之亦奚不可有所裨益澤及一方榆雖最爾邑承平休養戶口幾億萬大祿而後存者不逮半其何以孳息之以漸冀其庶耶榆之地土戴於石磽确而瘠植物不茂惟城之南北四十餘里較爲平坦土亦肥

潤而爲漳水衝擊每當夏潦盛漲洪濤怒吼田
廬菽麥轉聯漂沒一年數徙種而無獲逋糧逃
亡爲榆之害者數百年於茲矣其何以導之疏
之除其害收其利而拯吾榆民於饑溺耶榆瀾
直隸邢臺諸邑黃花石會皆古扼要地屬密晉
嶂草竊藏奸天下且多事其何以因險設守以
保衛榆民而爲晉疆捍禦耶書院義學有名無
實其何以培植士林振興文教邑民瘠苦重利
榆社縣志

序

輕義錙銖之微睚眦鬪忿其何以既富且教易
俗移風凡此皆地方有司之責也居今而論治
雖不能上幾三代而官是邦者其亦視所志而
舉榆民之所病且苦而所以佐之以生養教訓
諸端息息懸於心目之間以無負吾
巡撫威毅伯曾公檄飭修志之盛心而無曠厥
職焉斯可矣志成書是以爲序時


光緒七年辛巳孟陬人日

誥授奉政大夫賞戴花翎在任候補直隸州知州榆
社縣知縣上海葛士達謹撰

榆社縣志

序

五



重修榆社縣志叙

國有史邑有志志也者紀一邑之風土人物制度文章下以資考鏡上以備蒐羅誠鉅典也顧人率視爲緩圖甚有自建邑以來無志者則以志近乎史而史才實難夫知其難而緩之與不知其難而亟爲之均之無關於典要然爲之則猶存什一於千百緩之則舊典銷沈官民無所取法泯泯芴芴以意爲治土宜民俗扞格不通榆社縣志

序

六

而弊將滋甚此

爵憲曾大中丞所以有修輯邑志之令也且夫服官守職可以有事治不可以無事理無事而好事者妄也有事而廢事者怠也圖其所有事而亟其所緩者惑也倖其暫無事而畏難苟安者拙也紀載紛綸灼然可觀晉省當丁丑戊寅間亦云多事矣始以旱繼以霜又繼以霜雪河洛伏莽窺伺於外代剝飢民潛伏於邊幸

儉字約

社城鎮

在縣西北三十里即東漢湟氏故址今為鎮猶以城名然雉堞俱無矣民居數百家為太原太谷之通衢行旅頗眾

魏城鎮

在縣南三十里即唐偃武縣故址今為鎮南通武鄉上黨亦半沒於河

講堂鎮

在縣東三十里

雲簇鎮

在縣西三十五里相傳立鎮之初五色雲見因以為名今設汛兵以資防禦間闖鱗次商賈雲集殆勝於縣

治云

箕城鎮

今廢詳見古蹟

附城村庄十二

榆社縣志

卷之一

七

東灣

河南街

芽岬底

廉村

坂坡

上西山

后壩

邵家溝

核桃溝

廟嶺

下車

北泉溝

東鄉村庄八十

石村

龐家莊

段家莊

老師沿

前牛嵐

東滙

紅崖頭

郭家莊

王家壩

李道莊

柳灘

任家壩

楊家壩

前箭壑

黃龍峪

治壁

條條溝

北溝底

赤土

錢家峪

王景

周家溝

侯家莊

犁兒頭

高家莊

下壩

聚寶溝

上新莊

前夥燒莊

百禮不徹者越在外藩中夏無聞焉及長而考證輿圖泛覽史冊始知商家胙土偃武是宅惜無由躋入行登箕山一攄懷古之蓄念爲憮然者久之今何幸捧檄是邦舉素所理想望不置者一旦躬親其地竊意流風善政必有存者而世代綿邈漠然徒見山高而水清獨喜食德服疇俗猶近質既乃因俗爲治期與民休息也亟取舊志爲前事師則字迹已漫漶距始修歲星紀

榆社縣志

序

八

已十有一週矣大懼遺文散佚爲長吏羞思欲補其罅漏汰其繁蕪考其異同正其訛誤而勞形案牘愧乏三長迺開局延聘儒紳分手編錄而總集其成棄取予奪意主謹嚴與同志反覆商確而折衷一是間出已意略加論斷於篇尾閱三月稿成謀付剞劂或議之曰作史之難無出於志故陳壽李延壽輩善爲紀傳而不敢作志今學殖荒落亟圖其難其爲選事乎曰唯唯

否否不然如子之說蓋爲人不及時而率爾操
觚者言也昔邱文莊嘗謂自古有千年不刊之
書無百年不修之志夫豈不知材分各殊不必
盡人兼才學識之長而顧爲是言者循分之謂
職當可之謂時時不必修置之而非曠修及其
時修之而非僭故斟酌於百年之間庶使往可
繼來可續以無忝厥職而難易之見不參焉如
皆以不文謝將坐視一邑之風土人物制度文

榆社縣志

序

九

章湮沒無聞而莫之恤乎且事不避難古之訓
也剋期告成急先務也藉以應教令備掌故非
有所著作敢云義近於史也乎哉

昔

光緒六年歲次庚辰荷月下浣文林郎署榆社
縣事古睦王家坊謹撰

叙

道光辛丑余以春闈報捷銓發陝右宦遊十有餘年前此
受書訓蒙多離桑梓榆邑故實少所見聞於縣志亦未嘗
閱過然生長之區父老傳聞鄉賢議論大概略知自咸豐
四年丁艱回里二十年來邑中科甲寥寥仕宦更少書院
義學幾於有名無實風土人情亦漸非昔比榆有四鎮惟
距西較有平壤餘多土薄石厚素鮮蓋藏光緒戊寅饑饉
洊臻雖蒙 大憲賑濟元氣一時難復仕其地者補救不
遑縣志之修未暇及也查榆志自我費公於乾隆癸亥重

榆社縣志

序

十

修後已隔一百數十餘年字迹模糊舊板淪落雖山村僻
壤而年深歲久其間豈無宜蒐羅宜摭摭宜表章宜考訂
之事啟後承前當入乘志者乎則榆志之修不可緩也去
年春王公來署是邑奉上憲檄修之嗣我葛公抵任重加
釐定始付諸梓裁浮闢謬闡微顯幽與地管建綜覈詳明
學校丁徭條分簡約凡夫典禮職官選舉人物藝文之煩
莫不博採兼收用歸詳核足以備觀覽而兼勸懲也是志
之成誠我榆之大幸也余以荒謬才學年逾八旬少所見
聞愧不克稍措片詞然喜其志之克成而不能默爾焉是